




यूहन्ना 14




“जे जेयूर तासतेच्यो, परमेस्वरलाई जेयू उहुष्क। डालाई मनी जेयू उहुष्क। परमेस्वर डाबाबुए उझिमल लिन्या पो कुधु ज़ लिज्या। हिताव ओमाल्यो ताकिन है मनी डामादाचिखेहो। नो डापाँ हैज़ ओतावए जेजूनी जेपोर बनैनाद डयाचिज्या। जेजूनी पोर् स्यासी डाजैवत डा फरी जेलाई चाना डाहरिज्या। हाःकिन जे डाल्योक डस सिप ज़ तान्या जेले।”




डा यूहन्ना जेस परमेस्वरए ओराज्याल सिप ताद येसु खीसए उमिनताव दुखर ब जेस सिप सहिज्याव जेदाज्युलाई परमेस्वरए ओपाँत येसु खीसए

ओसाची डातावए पत्मोस यादोज्याव तापुत सगर्नाकेर।




है ओदाँव पाइँना ज़ डाक्याँत परमेस्वरए उपरूस हुद
झजल्किद स्वर्गत तोबो सिंहासन डारँके। नत तोबो राजा
चुसिद उलिज्याव।




3

नकिन परमेस्वरए ओरासिजैँवर, स्वर्गतावर, मानुवातावर,
तल्ना नामलावर, समुन्द्रल लिज्यावर पाइँए ज़ तोबो गा
जैद अइ लिद यागैज्याव डायैके,
“सिंहासनत चुसिज्याव राजा सोनो
यासैँव पाथानिलाई असिक, मान,
घेप्पा मिन सोनो
सक्ती ब एकमन्या
ज़ ओताक।”




4

नकिन तोबो भर रे दाव मेंमा ओरेए जूनी झलैसिउ मिताव
छैँव सहर, साःरो यरूसलेम परमेस्वरए ल्योनी स्वर्गतिन
उझरिहुज्याव डारँके। हाःत ज़ स्वर्गताव राजाए ल्योनी तोबो
गा बनै चोइस अइ उलिज्याव डायैके, “अबकिन परमेस्वरए
ओबास मिँरास तारिज्या। है जैद ओल मिँरास लिद नोरालाई
उमीर ज़ जैद
ओल यापरमेस्वर
ज़ तान्या ले।”




5

हाःत ज़ नो चाकन्याए डालाई अजम्बरी जुनी याज्याव बनै छैँ
छैँव री हुज्याव तोबो खोला सतैँदयाँक्यो। नो खोला परमेस्वर
सोनो पाथानी निल्योनी पुलुसद, सहर खालाव दोहालाव घ्याँ
उहुज्याव।



6

नो सहरलाई पलाँव जैन्या निमीए ओचाहित ब ओमालिज्याव,
स्यावैए ओचाहित ब ओमालिज्याव। नो सहरलाई पलाँव
जैज्याव परमेस्वरए ओज़गैँ ज़, सहरलाव बती फरी पाथा ज़।




7

माचाव, युँ माजामो, असत
दोज्यावर ते सु ज़ पसिउ
दैन्या मालेर। पाथाए अजम्बरी
जुनीलाव ओपोस्तोकोल यामिन
सर्सिउर वाज़ पसिन्या लेर।



8

“नोरास ज़ लिद यापिलर सीद्याद
खर्क ज़ मासिन्या याजैरिज़्याव।
झादाडाव माचाव भरी नाम नमरास
ज़ ओखेमोए अबकिन सोगो दाद
घन्या ब तान्या माले, काताए दुख
ब तान्या माले,” है लिद पाँके।




9

अब ते नल काताए सराप ज़ तान्या माले। परमेस्वर सोनो
पाथानी निसिंहासन नल ज़ ताद परमेस्वरए उमीराए नल ज़
ओसेवा दोरिज़्यार। नोराए ओडा: ब रँ:धुन्या लेर, उमिन ब
याचाँदीत ज़ ससिन्या ले।



10

हा:त ज़ सिउ भरी घेप्पा जिम्ज़ार सिंहासन झाक च्याँ:सिद
यालिज़्याव डारारँ:के। नक फैसिउ पोस्तोकोर ब यालिज़्याव।
नोरानी तोबो पोस्तोको ते अजम्बरी जुनीलाव पोस्तोको
उलिज़्याव। हा:त ज़ नो सिउर नो पोस्तोको भरिल यादोव येन
ससिउनी ज़ फाल्सिकेर। है जैद जोए उमिन नो
अजम्बरी जुनीलाव पोस्तोकोल ओमाससिंकिन
नो में:ल ज़ ख्यासिउ परिरिज़्या।



11

परमेस्वरए उपुरुस सोनो पाथाए ओब्याहोल्यानी मानुवाताव
मिरालाई, “हुचिके,” है यारादोज्यानी। नो पाँ थैज्यावराए मनी,
“हुचिके,” ज़ है उलिरक। है जैद जो री छोस्ज़्या, हो अजम्बरी
जुनी याज़्याव री ओपैवा भरी अइज़ ओना उहुक।



12

परमेस्वरए आव मानुवाताव मिरालाई उयूँ
नाद तोबोका तोबो ओज़ा ब याएक्यो।
है जैद जोए नो ओज़ालाई उयूँ
हुप्ज़्या, नो कै मै माताद
अजम्बरी जुनी
दैन्या ले।

रोमी 3:23
काराव ल्यो ताकिन प्राइँ ज़ पाप दाद परमेस्वरए ओज़गैनी
अछत ताकेर।

रोमी 6:23
पापए ओजेला नर्ग लिज़्या, परमेस्वरए ओयासिज़्याव बरदान ते
गेप्रभु येसु ख्रीसनी अजम्बरी जुनी लिज़्या।

हिब्रू 9:27
मिँ भरी तखेप सिउ परिज़्या। नकिन परमेस्वरए ओझाक फाल्सिउ
परिरिज़्या।

एफिसी 2:8,9

परमेस्वरए ल्योदा जेयुँ जेसुहुबोए उयुँ गराँद बाँचैद नैचिउ। नो जे जेदोवनी माःक, परमेस्वरए अइज ओयाचिउ बरदान ची। गे गेदोवनी ताकिन ते सधयोःसिन्या गेल्यो।

रोमी 10:9,10

जेयाःत 'येसु खीस ज गेप्रभु' लिद जेपाँकिन, सोनो जेयुँल 'परमेस्वरए खीसलाई सिउनी सोचोइक्यो' लिद जेयुँल जेपतिकिन बाँचिन्या जेले। गेयुँए ज परमेस्वरए ओपाँलाई गेयुँ हुपद ओलस गेखैज्या, फरी नो गेयुँलाव पाँलाई गयाःए पाखात पाँद गेबाँचिज्या।

15

यूहन्ना 3:16,17

परमेस्वरए आव मानुवाताव मिँरालाई उयुँ नाद तोबोका तोबो ओजा ब याएक्यो। है जेद जोए नो ओजालाई उयुँ हुपज्या, नो कै मै माताद अजम्बरी जुनी दैन्या ले। परमेस्वरए ओजालाई मानुवाताव मिँरालाई खेम्न्याए जूनी उपरीव माःक, बुरु मानुवाताव मिँरालाई बाँचैन्याए जूनी उपरीव ची।

1 यूहन्ना 5:11-13

गेलाई परमेस्वरए ओयासिज्याव साची आव ज — गे मिँर अजम्बरी जुनी दैन्यार गेताज्या, नो जुनी ओजाए ओक्याँत वाज लिज्या। जोए परमेस्वरए ओजालाई उयुँल रैज्याव, होए ज अजम्बरी जुनी दैज्याव। जोए ओजालाई उयुँल मारैव, होस अजम्बरी जुनी माले। आव डासरो चिथी जे परमेस्वरए ओजालाई जेयुँ हुपज्यावराए जूनी सर्द डानै। आव चिथीनी ज अजम्बरी जुनी जेस उलिज्याव सैन्या जेले।

16

यूहन्ना 14; २ कोरिन्थी 5; दर्सन 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Kham, Western Parbate NT (kjl) © 2015, Wycliffe Bible
Translators, Inc. All rights reserved.

<https://www.bible.com/bible/2495/MAT.1.NKHAM>

©2026 Bible for Children, Inc.

www.M1914.org www.bibleforchildren.org

17